

金光明經卷第四

北涼三藏法師曇無讖譯

化四

流水長者子品第十六

佛告樹神爾時流水長者子於天自在光王國內治一切衆生無量苦患已令其身體平復如本受諸快樂以病除故多設福業修行^{七日}布施尊重恭敬是長者子作如是言善哉長者能大增長福德之事能益衆生無量壽命汝今真是大醫之王善治衆生無量重病必是菩薩善解方藥善女天時長者子有妻名

曰水空龍藏而生二子一名水空二名水藏時長者子將是二子次第遊行城邑聚落最後到一大空澤中見諸虎狼狐犬鳥獸多食肉血悉皆一向馳奔而去時長者子作是念言是諸禽獸何因緣故一向馳走我當隨後逐而觀之時長者子遂便隨逐見有一池其水枯涸於其池中多有諸魚時長者子見是魚已生大悲心時有樹神示現半身作如是言善哉善哉大善男子此魚可愍汝可與水是故號汝名爲流水復有二緣名爲流水一

能流水二能與水汝今應當隨名定實時長者子問樹神言此魚頭數爲有幾所樹神答言其數具足足滿十千善女天爾時流水聞是數已倍復增益生大悲心善女天時此空池爲日所曝唯少水在是十千魚將入死門

四向宛轉見是長者心生恃賴隨是長者所至方面隨逐瞻視目未曾捨是時長者馳趣四方推求索水了不能得便四顧望見有大樹尋取枝葉還到池上與作陰涼作陰涼已復更推求是池中水本從何來即出四向周

徧求覓莫知水處復更疾走遠至餘處見一大河名曰水生爾時復有諸餘惡人爲捕此魚故於上流懸險之處決棄其水不令下過然其決處懸險難補計當修治經九十日百千人功猶不能成況我一身時長者子速疾還反至大王所頭面禮拜却住一面合掌向王說其因緣作如是言我爲大王國土人民治種種病漸漸遊行至彼空澤見有一池其水枯涸有十千魚爲日所曝今日困厄將死不夕惟願大王借二十大象令得負水濟彼

魚命如我與諸病人壽命爾時大王即敕大臣速疾供給爾時大臣奉王告敕語是長者善哉大士汝今自可至象廄中隨意選取利益衆生令得快樂是時流水及其二子將二十大象從治城人借索皮囊疾至彼河上流渡處盛水象負馳疾奔還至空澤池從象背上其囊水瀉置池中水遂彌滿還復如本時長者子於池四邊彷徉而行是魚爾時亦復隨逐巡岸而行時長者子復作是念是魚何緣隨我而行是魚必爲飢火所惱復欲從

我求索飲食我今當與善女天爾時流水長者子告其子言汝取一象最大力者速至家中啓父長者家中所有可食之物乃至父母飲噉之分及以妻子奴婢之分一切聚集悉載象上急速來還爾時二子如父教敕乘最大象往至家中白其祖父說如上事爾時二子收取家中可食之物載象背上疾還父所至空澤池時長者子見其子還心生歡喜踊躍無量從子邊取飲食之物散著池中與魚食已即自思惟我今已能與此魚食令其飽

滿未來之世當施法食復更思惟曾聞過去空閑之處有一比丘讀誦大乘方等經典其經中說若有衆生臨命終時得聞寶勝如來名號即生天上我今當爲是十千魚解說甚深十二因緣亦當稱說寶勝佛名時間浮提中有二種人一者深信大乘方等二者毀呴不生信樂時長者子作是思惟我今當入池水之中爲是諸魚說深妙法思惟是已即便入水作如是言汝無過去寶勝如來應供正徧知明行足善逝世間解無上士調御丈夫

天人師佛世尊寶勝如來本從昔時行菩薩道作是誓願若有衆生於十方界臨命終時聞我名者當令是輩即命終已尋得上生十三天爾時流水復爲是魚解說如是甚深妙法所謂無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱善女天爾時流水長者子及其二子說是法已即共還家是長者子復於後時賓客聚會醉酒而卧爾時其地卒大震動時十千魚同日命終既

命終已生忉利天既生天已作是思惟我等以何善業因緣得生於此忉利天中復相謂言我等先於閻浮提內墮畜生中受於魚身流水長者子與我等水及以飲食復爲我等解說甚深十二因緣并稱寶勝如來名號以是因緣令我等輩得生此天是故我等今當往至長者子所報恩供養爾時十千天子從忉利天下閻浮提至流水長者子大醫王家時長者子在樓屋上露卧眠睡是十千天子以十千真珠天妙瓔珞置其頭邊復以十千

化四

四

置其足邊復以十千置右脅邊復以十千置左脅邊雨曼陀羅華摩訶曼陀羅華積至于膝作種種天樂出妙音聲閻浮提中有睡眠者皆悉覺寤流水長者子亦從睡寤是十千天子於上空中飛騰遊行於天自在光王國內處處皆雨天妙蓮華是諸天子復至本處空澤池所復雨天華便從此沒還忉利宮隨意自在受天五欲時閻浮提過是夜已天自在光王問諸大臣昨夜何緣示現如是淨妙瑞相有大光明大臣答言大王當知忉利諸

天於流水長者子家雨四十千真珠瓔珞及不可計曼陀羅華王即告臣卿可往至彼長者家善言誘喻喚令使來大臣受敕即至其家宣王教令喚是長者是時長者尋至王所王問長者何緣示現如是瑞相長者子言我必定知是十千魚其命已終凡四時大王言今可道場菩提樹神善女天欲知爾時流水長者子今我身是長子水空今羅睺羅是次子水藏今阿難是時十千魚者今十千天子是是遣人審實是事爾時流水尋遣其子至彼池所看是諸魚死活定實爾時其子聞是語已向於彼池既至池已見其池中多有摩訶曼陀羅華積聚成積其中諸魚悉皆命終見已

即還白其父言彼諸魚等悉已命終爾時流水知是事已復至王所作如是言是十千魚悉皆命終王聞是已心生歡喜爾時世尊告道場菩提樹神善女天欲知爾時流水長者子今我身是長子水空今羅睺羅是次子水藏今阿難是時十千魚者今十千天子是是故我今爲其授阿耨多羅三藐三菩提記爾時樹神現半身者今汝身是捨身品第十七爾時道場菩提樹神復白佛言世尊我聞世

尊過去修行菩提道時具受無量百千苦行
捨身命肉血骨髓惟願世尊少說往昔苦
行因緣爲利衆生受諸快樂爾時世尊即現
神足神足力故令此大地六種震動於大講
堂衆會之中有七寶塔從地涌出衆寶羅網
滿覆其上爾時大衆見是事已生希有心爾
時世尊即從座起禮拜是塔恭敬圍繞還就
本座爾時道場菩提樹神白佛言世尊如來
世雄出現於世常爲一切之所恭敬於諸衆
生最勝最尊何因緣故禮拜是塔佛言善女

天我本修行菩薩道時我身舍利安止是塔
因由是身令我早成阿耨多羅三藐三菩提
爾時佛告尊者阿難汝可開塔取中舍利示
此大衆是舍利者乃是無量六波羅密功德
所薰爾時阿難聞佛教敕即往塔所禮拜供
養開其塔戶見其塔中有七寶函以手開函
見其舍利色妙紅白而白佛言世尊是中舍
化六利其色紅白佛告阿難汝可持來此是大士
真身舍利爾時阿難即舉寶函還至佛所持
以上佛爾時佛告一切大衆汝等今可禮是

舍利此舍利者是戒定慧之所熏修甚難可得最上福田爾時大眾聞是語已心懷歡喜即從座起合掌敬禮大士舍利爾時世尊欲爲大眾斷疑網故說是舍利往昔因緣阿難過去之世有王名曰摩訶羅陀修行善法善治國土無有怨敵時有三子端正微妙形色殊特威德第一太子名曰摩訶波那羅次子名曰摩訶提婆小子名曰摩訶薩埵是三王子於諸園林遊戲觀看次第漸到一大竹林憩駕止息第一王子作如是言我於今

日心甚怖懼於是林中將無衰損第二王子復作是言我於今日不自惜身但離所愛心憂愁耳第三王子復作是言我於今日獨無怖懼亦無愁惱山中空寂神仙所讚是處閑靜能令行人安隱受樂時諸王子說是語已轉復前行見有一虎適產七日而有七子圍繞周匝飢餓窮悴身體羸瘦命將欲絕第一王子見是虎已作如是言怪哉此虎產來七日七子圍繞不得求食若爲飢逼必還敢子第三王子言此虎經常所食何物第一王子

言此虎唯食新熟肉血第三王子言君等誰能與此虎食第二王子言此虎飢餓身體羸瘦窮困頓乏餘命無幾不容餘處爲其求食設餘求者命必不濟誰能爲此不惜身命第一王子言一切難捨不過己身第二王子言我等今者以貪惜故於此身命不能放捨智慧薄少故於是事而生驚怖若諸大士欲利益他生大悲心爲衆生者捨此身命不足爲難時諸王子心大愁憂久住視之日未曾捨作是觀已尋便離去爾時第三王子作是念

言我今捨身時已到矣何以故我從昔來多棄是身都無所爲亦常受護處之屋宅又復供給衣服飲食卧具醫藥象馬車乘隨時將養令無所乏而不知恩反生怨害然復不免無常敗壞復次是身不堅無所利益可惡如賊猶若行廁我於今日當使此身作無上業於生死海中作大橋梁復次若捨此身則捨無量癱瘓百千怖畏是身唯有大小便利是身不堅如水上沫是身不淨多諸蟲戶是身可惡筋纏血塗皮骨髓腦共相連持如

是觀察甚可患厭是故我今應當捨離以求寂滅無上涅槃永離憂患無常變異生死休息無諸塵累無量禪定智慧功德是成就微妙法身百福莊嚴諸佛所讚證成如是無上法身與諸衆生無量法樂是時王子勇猛堪任作是大願以上大悲熏修其心慮其二兄心懷怖懼或恐固遮爲作留難即便語言化四

故大悲不動捨難捨故爲求菩提智所讚故欲度三有諸衆生故滅生死怖衆惱熱故是時王子作是誓已即自放身卧餓虎前是時王子以大悲力故虎無能爲王子復作如是念言虎今羸瘦身無勢力不能得我身血肉食即起求刀周徧求之了不能得即以乾竹刺頸出血於高山上投身虎前是時大地六種震動日無精光如羅睺羅阿脩羅王捉持障蔽又雨雜華種種妙香時虛空中有諸餘天見是事已心生歡喜歎未曾有讚言善哉

善哉大士汝今真是行大悲者爲衆生故能捨難捨於諸學人第一勇健汝已爲得諸佛所讚常樂住處不久當證無惱無熱清淨涅槃是虎爾時見血流汙王子身即便舐血而食其肉唯留餘骨爾時第一王子見地大動爲第二王子而說偈言

震動大地及以大海日無精光如有覆蔽於上虛空雨諸華香必是我弟捨所愛身第二王子復說偈言

氣力羸損命不云遠小弟大悲知其窮悴懼不堪忍還食其子恐定捨身以救彼命時二王子心大慈悲涕泣悲歎容貌憔悴復共相將還至虎所見弟所著被服衣裳皆悉在一竹枝之上骸骨髮爪布散狼藉流血處處徧汙其地見已悶絕不自勝持投身骨上良久乃蘇即起舉首號天而哭我弟幼稚才能過人特爲父母之所愛念奄忽捨身以飼餓虎我今還宮父母設問當云何答我寧在此併命一處不忍見是骸骨髮爪何心捨離

還見父母妻子眷屬朋友知識時二王子悲號懊惱漸捨而去時小王子所將侍從各散諸方互相謂言今者我天爲何所在爾時王妃於睡眼中夢乳被割牙齒墮落得三鵝雞爲鷹食爾時王妃大地動時即便驚寤心大愁怖而說偈言

今日何故 大地大水 一切皆動物不安所
日無精光 如有覆蔽 我心憂苦 目睫瞶動
如我今者 所見瑞相 必有災異 不祥苦醫
於是王妃說是偈已時有青衣在外已聞王

子消息心驚惶怖尋即入內啓白王妃作如是言向者在外聞諸侍從推覓王子不知所在王妃聞已生大憂惱涕泣滿目至大王所我於向者傳聞外人失我最小所愛之子大王聞已而復問絕悲哽苦惱杖淚而言如何化四今日失我心中所愛重者爾時世尊欲重宣此義而說偈言

我於往昔 無量劫中 捨所重身 以求菩提
若爲國王 及作王子 常捨難捨 以求菩提
我念宿命 有大國王 其王名曰 摩訶羅陀

是王有子能大布施其子名曰摩訶薩埵復有二兄長者名曰大波那羅次名大天三人同遊至一空山見新產虎飢窮無食時勝大士生大悲心我今當捨所重之身此虎或爲飢餓所逼儻能還食自所生子即上高山自投虎前爲令虎子得全性命是時大地及諸大山皆悉震動驚諸蟲獸虎狼師子四散馳走世間皆闇無有光明是時二兄故在竹林心懷憂惱愁苦涕泣漸漸推求遂至虎所見虎虎子血汙其口

又見骸骨髮毛爪齒處處迸血狼藉在地時二王子見是事已心更悶絕自躋於地以灰塵土自塗全身忘失正念生狂癡心所將侍從覩見是事亦生悲慟失聲號哭互以冷水共相噴灑然後蘇息而復得起是時王子當捨身時正值後宮妃后嫁女眷屬五百共相娛樂王妃是時兩乳汁出一切肢節痛如針刺心生愁惱似喪愛子於是王妃疾至王所其聲微細悲泣而言大王今當諦聽諦聽憂愁盛火今來燒我

我今二乳俱時汁出身體苦切如被針刺
我見如是不祥瑞相恐更不復見所愛子
今以身命奉上大王願速遣人求覓我子
夢三鵠離在我懷抱其最小者可適我心
有鷹飛來奪我而去夢是事已即生憂惱
我今恐怖恐命不濟願速遣人推求我子
是時王妃說是語已即時閼絕而復瞬地
王聞是語復生憂惱以不得見所愛子故
其王大臣及諸眷屬悉皆聚集在王左右
哀哭悲號聲動天地爾時城內所有人民

聞是聲已驚愕而出各相謂言今是王子
爲活來耶爲已死亡如是大士常出輶語
爲衆所愛今難可見已有諸人入林推求
不久自當得定消息諸人爾時惶惶如是
而復悲號哀動神祇爾時大王即從座起
以水灑妃良久乃蘇還得正念微聲問王
我子今者爲死活耶爾時王妃念其子故
倍復懊惱心無暫捨可惜我子形色端正
如何一旦捨我終亡云何我身不先薨沒
而見如是諸苦惱事善子妙色猶淨蓮華

誰壞汝身 使令分離 將非是我 昔日怨讐
挾本業緣 而殺汝耶 我子面目 淨如滿月
不圖一旦 遇斯禍對 寧使我身 破碎如塵
不令我子 育失身命 我所見夢 已爲得報
直我無情 能堪是苦 如我所夢 牙齒墮落

此四句
二乳一時 汗自流出 必定是我 失所愛子
夢三鵠離 鷹奪而去 三子之中 必定失一
爾時大王 即告其妃 我今當遣 大臣使者
周徧東西 推求覓子 汝今且可 莫大憂愁
大王如是 慰喻妃已 即便嚴駕 出其宮殿

心生憇惄 憂苦所功 虽在大衆 顏貌憔悴
即出其城 究所愛子 爾時亦有 無量諸人
哀號動地 尋從王後 是時大王 既出城已
四向顧望 求覓其子 煩惱心亂 靡知所在
最後逢見 有一信來 頭蒙塵土 血汙其衣
灰糞塗身 悲號而至 爾時大王 摩訶羅陀
見是使已 倍生懊惄 舉首號叫 仰天而哭
先所遣臣 尋復來至 既至王所 作如是言
願王莫愁 諸子猶在 不久當至 令王得見
須臾之頃 復有臣來 見王愁苦 顏貌憔悴

身所著衣垢膩塵汙 大王當知一子已終
二子雖存哀悴無賴 第三王子見虎新產
飢窮七日恐還食子 見是虎已生大悲心
發大誓願當度衆生 於未來世證成菩提
化四 即上高處投身虎前虎餌所逼便起啖食
一切血肉已爲都盡唯有骸骨狼藉在地
是時大王聞臣語已轉復問絕失念躰地
憂愁盛火熾然其身諸臣眷屬亦復如是
以水灑王良久乃蘇復起舉首號天而哭
復有臣來而白王言向於林中見二王子

愁憂苦毒悲號涕泣迷悶失志自投於地
臣即求水灑其身上良久之頃乃還蘇息
望見四方大火熾然扶持暫起尋復躰地
舉首悲哀號天而哭乍復讚歎其弟功德
是時大王以離愛子其心迷悶氣力惙然
憂惱涕泣並復思惟是最小子我所愛重
無常大鬼奄便吞食其餘二子今雖存在
而爲憂火之所焚燒或能爲是喪失命根
我宜速往至彼林中迎載諸子急還宮殿
其母在後憂苦逼切心肝分裂或能失命

若見二子 慰喻其心 可使終保 餘年壽命
爾時大王 駕乘名象 與諸侍從 欲至彼林
即於中路 見其二子 號天扣地 稱弟名字
時王即前 抱持二子 悲號涕泣 隨路還宮
速令二子 觀見其母 佛告樹神 汝今當知

爾時王子 摩訶薩埵 捨身飼虎 今我身是
爾時大王 摩訶羅陀 於今父王 輸頭檀是
爾時王妃 今摩耶是 第一王子 今彌勒是
第二王子 今調達是 爾時虎者 今瞿夷是
時虎七子 今五比丘 及舍利弗 目犍連是

爾時大王摩訶羅陀及其妃后悲號涕泣悉
皆脫身御服瓔珞與諸大眾往竹林中收其
舍利即於此處起七寶塔是時王子摩訶薩
埵臨捨命時作是誓願願我舍利於未來世
過筭數劫常爲衆生而作佛事說是經時無
量阿僧祇諸天及人發阿耨多羅三藐三菩提
化口
提心樹神是名禮塔往昔因緣爾時佛神力
故是七寶塔即沒不現

讚佛品第十八

爾時無量百千萬億諸菩薩衆從此世界至

金寶蓋山王如來國土到彼土已五體投地爲佛作禮却住一面合掌向佛異口同音而讚歎曰

如來之身金色微妙其明照耀如金山王身淨柔軟如金蓮華無量妙相以自莊嚴隨形之好光飾其體淨潔無比如紫金山圓足無垢如淨滿月其音清徹妙如梵聲師子吼聲大雷震聲六種清淨微妙音聲迦陵頻伽孔雀之聲清淨無垢威德具足百福相好莊嚴其身光明遠照無有齊限

智慧寂滅無諸愛習世尊成就無量功德譬如大海須彌寶山爲諸衆生生憐愍心於未來世能與快樂如來所說第一深義能令衆生寂滅安隱能與衆生無量快樂能演無上甘露妙法能開無上甘露法門能入一切無患窟宅能令衆生悉得解脫度於三有無量苦海安住正道無諸憂苦如來世尊功德智慧大慈悲力精進方便如是無量不可稱計我等今者不能說喻諸天世人於無量劫盡思度量不能得知

如來所有 功德智慧 無量大海 一滴少分
我今略讚 如來功德 百千億分 不能宣一
若我功德得聚集者 迴與衆生 證無上道
爾時信相菩薩 卽於此會從座而起 偏袒右
肩右膝著地 合掌向佛而說讚言

世尊百福 相好微妙 功德千數 莊嚴其身
色淨遠照 視之無厭 如日千光 彌滿虛空
光明熾盛 無量無邊 猶如無數 珍寶大聚
其明五色 青紅赤白 瑰琉璃瓈 如融真金
光明赫奕 通徹諸山 悉能遠照 無量佛土

能滅衆生 無量苦惱 又與衆生 上妙快樂
諸根清淨 微妙第一 衆生見者 無有厭足
髮紺柔軟 猶孔雀項 如諸蜂王 集在蓮華
清淨大悲 功德莊嚴 無量三昧 及以大慈
如是功德 悉已聚集 相好妙色 嚴飾其身
種種功德 助成菩提 如來悉能 調伏衆生
令心柔軟 受諸快樂 種種深妙 功德莊嚴
亦爲十方 諸佛所讚 其光遠照 編於諸方
猶如日明 充滿虛空 功德成就 如須彌山
在在示現 於諸世界 齒白齊密 猶如珂雪

其德如日 處空明顯 眉間毫相 右旋宛轉
光明流出 如瑠璃珠 其色微妙 如日處空
爾時道場菩提樹神復說讚曰

南無清淨 無上正覺 甚深妙法 隨順覺了
遠離一切 非法非道 獨技而出 成佛正覺

知有非有 本性清淨 希有希有 如來功德
希有希有 如來大海 希有希有 如須彌山
希有希有 佛無邊行 希有希有 佛出於世
如優曇華 時一現耳 希有如來 無量大悲
釋迦牟尼 爲人中日 爲欲利益 諸衆生故

宣說如是 妙寶經典 善哉如來 諸根寂滅
而復遊入 善寂大城 無垢清淨 甚深三昧
入於諸佛 所行之處 一切聲聞 身皆空寂
兩足世尊 行處亦空 如是一切 無量諸法
推本性相 亦皆空寂 一切衆生 性相亦空
狂愚心故 不能覺知 我常念佛 樂見世尊
常作誓願 不離佛日 我常於地 長跪合掌
其心戀慕 欲見於佛 我常修行 最上大悲
哀泣雨淚 欲見於佛 我常渴仰 欲見於佛
爲是事故 夢火熾然 惟願世尊 賜我慈悲

清冷法水 以滅是火 世尊慈愍 悲心無量
願使我身 常得見佛 世尊常護 一切人天

是故我今 渴仰欲見 聲聞之身 猶如虛空

僞幻響化 如水中月 衆生之性 如夢所見

如來行處 淨如瑠璃 入於無上 甘露法處

能與衆生 無量快樂 如來行處 微妙甚深

一切衆生 無能知者 五道神仙 及諸聲聞

一切緣覺 亦不能知 我今不疑 佛所行處

惟願慈悲 為我現身 爾時世尊 從三昧起

以微妙音 而讚歎言 善哉善哉 樹神善女

汝於今日 快說是言 一切衆生 若聞此法
皆入甘露 無生法門

金光明經卷第四

音釋

曝	步	木	切	旣	居	姑	切	瀉	司	夜	切	彷	祥	彷	步
祥	與	章	切	旣	也	象	舍	也	瀉	同	夜	彷	祥	彷	步
下	贊	子	切	旣	也	畜	舍	也	瀉	同	夜	彷	祥	彷	步
羣	也	子	切	旣	也	也	也	也	瀉	同	夜	彷	祥	彷	步
卑	遙	切	旣	也	也	也	也	也	瀉	同	夜	彷	祥	彷	步
筋	舉	攢	切	旣	也	也	也	也	瀉	同	夜	彷	祥	彷	步
骨	絰	也	切	旣	也	也	也	也	瀉	同	夜	彷	祥	彷	步
膚	神	命	切	旣	也	也	也	也	瀉	同	夜	彷	祥	彷	步
骨	命	切	旣	也	也	也	也	也	瀉	同	夜	彷	祥	彷	步
狼															

藉 犒 爪 鴿 雉 鵠 鷄 猶
以色列各也目雉 雉 鴿 雉
德貴貌初攷 威崇弱全切 雉 雉
也切憚 憇 懈 憚也 憚
憂也 憚止 憚也 憚也
切 憚 憚也 憚也 憚也
跪 緣 直 伸 跛 蹤 直
切 跛 慢 心 切 跛 跛
委也 胡也 東旁即
戀 尤 噴 毛涉切 飽
念龍 滂 滂也 滂也
也眷 死呼也 滂也
切 滂 滂也 滂也
切 滂 滂也 滂也